

絳縣志卷十四

奉政大夫同知銜賞戴花翎山西絳州絳縣知縣加五級紀錄十次成都胡延讓

學校志第六

古者家有塾黨有庠州有序國有學州縣之立學自漢以來尙已立廟祀先聖或有或否絳縣在五代以前不可詳也後唐長興中建於縣治東南隅其後屢有修葺士民之繫望風俗之淳澆在焉爰爲攷次以備學校志

學宮在縣治東南隅後唐長興三年縣尹靳平建金元代有脩

葺元李惠有重脩宣聖廟碑記

其詞曰夫學校之興其來久矣有虞三代之制典籍詳紀

焉迄於漢唐茲風益振其間雖因革不同要以傳先王之典明人倫之義其揆一也洪惟我國家以武功定天下以文德

絳縣志

卷十四

學校門

一

治太平隆儒重道追攀古昔立太學以教於國設庠序以化於邑編詔京府養育多士置提舉之官樹正錄之員優之以飲食勵之以科選人才作成道德流布濟濟然洋洋然不其偉歟惟茲絳縣處汾澮之東在重山之北水深土厚民俗尙質學者不爲不多至於榮登桂籍者相繼而出焉宣聖廟在城之東南隅年紀綿邈頽圯殆盡荆榛滿地狐狸野鼠朝伏而暮見所存獨正殿碑亭而已然風摧雨剝亦不堪觀有官者因循重作迥不之恤相傳累政以至於今歲在癸卯冬徵仕太原王公鸞棲是邑公因釋奠於廟憫其荒廢如此慨然有興復之志退而詢及曹吏始知前令尹孫奉直已嘗稟覆於討司矣公因以狀促之凡得錢十萬有奇當時卽欲成之然以公攝行縣事簿書繁劇畧無少暇土木之事亦所未遑及公已越瓜期受代有日迺喟然嘆曰學之不修是吾罪也詎可負吾初心乎吾將興之於是擇日經始規模宏廓將貽永久選擇才幹埏埴瓦甍絳人稔慕公之德化且知公之秩滿顧無以自効及聞公修完學舍皆不召而至不約而從父勗其子兄勉其弟匠者願獻其功役者各竭其力又能說以使人身爲倡率吏不加譴人不告勞會未浹辰而能事以畢矣支傾罅漏葺舊增新建戟門於前隆講堂於後翼廊廡以嚴賢哲之像貌闢齋厨以待生徒之遊息又於應門兩旁

別爲便室以備官僚拜獻之位仍改故道循城而西之墻垣
屹峙棟宇翬飛煥煥巍巍真一邑之壯觀也暇日公會賓僚
置酒於堂上以樂其成舉觴屬會求文欲刊諸石會鄙拙固
陋何以克堪然忝衣撻掖其於吾夫子之教可瘖默而無言
乎因紀實
明正德十一年知縣包得仁撤學後佛寺拓而新
而書之

之嘉靖十四年知縣李光遠改建李浩有改建儒學碑記

其詞

日絳縣在晉爲士蔦城雖代有沿革均謂之絳在平陽南百
七十里城東南隅舊有孔子學宮狹隘歲久傾圮不足以供
祀事嘉靖甲午秋李公光遠來尹是邑脩謁事畢周覽而嘆
之曰學之圯也縣令之愆且邑之設學所以規賢也若是而
居且弗安何賢之暇規哉謀欲增而新之值歲荒弗果越明
年政孚民和迺謀諸丞楊君時雍簿甯君時智教諭胡君珍
訓導郭君安世新任教諭張君吉訓導王君綸僉喜而應之
日茲舉盛哉舊學宮北鄰僧寺正德丙子歲柱史李公穩按
縣毀寺盡入於學至是增其地迺遷於爽塏者以美其制遂
請於當道咸允之迺經始於秋七月望遂作正殿三門東西
廡各十間南作儀門外泮池石橋前橋星門繚以垣檻殿後
明倫堂左右進德修業二齋前設鴻門東禮門西義路堂後

絳縣志

卷十四

學校門

二

中爲敬一亭以至師生之宅號啟聖鄉賢之祠會饌習射庖
厨齋沐之所外又豎以興賢育材二坊是役也程能計日經
費節力獎勤懲惰勾稽有簿工傭稱事凡應用之材鍛礪甄
聖木石膠角之屬悉伐諸淫祠不足者亦公市平取官靡告
困民罔知勞三閱月而落成廟貌之尊嚴規模之宏敞擬昔
大不侔矣於是李公迺進諸生而謂之曰我國家建立學校
養育人材慮亦周矣廬以安之廩以食之師以臨之友以親
之經術是游養之端也異其冠服示殊衆也建之以廟聖賢
畢聚標其趣也晨鐘暮鼓課藝程能嚴惰縱也且堂以明倫
名欲其知所從事也夫如是不謂之周且密哉爾諸生維日
新是圖勿遊醜是耽游文六經踐履五倫孝弟忠信禮義廉
恥薰蒸乎道德漸摩乎禮讓將見駸駸然以入於聖賢之域
矣至於奪青紫登甲科特學校之餘事耳諸生亦當知所從
事也哉生於是唯唯而退且揚言曰生雖不敏敢不佩教於
是舉人吉大來生員常有年張麟等以其事徵予文將刊諸
石予謂爲政以人材爲先育材以學校爲本李公可謂知所
本矣夫學校立則士志專則業精業精則道明道明則
教化行教化行則風俗美而人人有士君子之行矣絳縣從
此吾知其爭賢矣哉厥由自李公始也公直隸平山人由貢
士廉介有爲才德宏茂有古循良風他日所就不可量已永

年甯簿時已致政工畢而後去亦知道義之所重云

李尙思有增脩學宮碑記

其詞曰往余柄銓事計吏必遴興康民者而進之以需縣官緩急之

用維時士風丕變黔赤救甯予亦借手以報上任使至意今雖僻在邱壑輒耳鄰封若而人必擊節嘆賞無異昔時嘉平絳士劉應奎賈恩賜等持選士續唐祚狀走幣於余備陳邑之大夫增修學宮事甚悉懇余為文以饒貞珉余素重侯之賢義弗容辭按狀絳學國初在異隅雁塔寺前科目后先輝映藉甚嘉靖甲午邑宰病其湫隘囂塵不足以供祀事儲英俊也撤佛寺入於學規模較完備而科目僅一見焉譚堪與者病之多士每為拊心卒未有議改建者黃侯治絳五載百廢具興而獨慨於造士之未効萬曆甲辰周覽學宮嘆曰人傑之借地靈有以哉夫氣脈宜聚不宜散道路宜順不宜逆前有拱後有托斯稱善地今則背之何怪乎人才之不古若也遂不煩當路捐俸金毅然聚財鳩工率劉應奎等暨鄉民有識者董理之奎光樓建於東南啟聖祠移於東北櫺星門啟基而近裏庠門改而東省牲亭改而西敬一亭接明倫堂左右各為號舍五間西北為射圃亭三間周廬墻垣悉增曠昔凡以聯絡氣脈順適道路發秀文峯無復曩者繆戾渙散

絳縣志

卷十四

三

學校門

之病又慮其無所托也建文昌閣於敬一亭之后高四十餘尺前後為楹各六東西為楹各五翬飛冲天丹聖蔽日塑像其中春秋嚴祀因區其南曰文明獻秀北曰丹闕承恩東曰華山起鳳西曰涑水蛟騰一憑欄之間有俯挹關河吞吐雲烟之氣象焉工始於季夏十三日落成於季冬十五日嗚呼寺毀於嘉靖甲午閣創於萬曆甲辰大約氣數六十年一週今已逾期固知厚積勃發在今日也猗與盛哉侯之善政余悉知之方以為絳有黃次公之流乃今而後知絳有文翁也夫蜀被文翁之化藪爾蠢叢衰然章甫侯為荆楚豪傑文章政事獨重一時多士何難於向化也夫弁髦吾道鞠為蔬圃責在有司屑越繩墨尸素几席責在廣文若夫園橋而靡所步趨將何所責哉多士誠能體侯之意履規蹈繩含經味道處為真儒出為名臣有光先哲垂範後人業與天壤俱敝品與聖哲齊芳庶無負侯今日創建之初心不者刻意立言奏洎爛錦雖立致青雲實士林之下乘何足道哉多士其勛諸昔范無擇脩袁州學記之者李太白至今縱掖輩兩稱之余不佞雅非其人但侯之盛美不在無擇下屈指被綸召顯揚當世此予所以獵纓而擢管也侯姓黃名維翰湖廣長沙進士贊事丞趙璧北直涿州人同時協謀助義者列之碑陰

國朝

順治六年毀於土寇惟殿與二門存焉八年署知縣絳州州

同徐祚煥重修邑人有學宮頌碑其詞曰廟學當巽之隅為

其詞曰廟學當巽之隅為圮葺理維人襄平徐公祚煥呂宮保之胄侍衛彤墀出倅州

郡居絳三年撫民拒寇聲聞於朝辛卯秋八月來署是邑質

明謁廟躬睹頽靡輸家錢五十緡進教諭晉陽馬允公信訓

導上黨牛聯奎景辰而謀之乃簡諸紳士耆民知者集思勤

者鳩貲能者効力由殿廡由堂庑由門闕由名宦鄉賢祠庀

材省工以次構治煌煌新廟穆穆聖容萬眾具瞻實深仰嘆

為政三月登樓堞練士著戒巨寇理冤獄薄租徭清驛遞謐

城市拓山梁昕夕敏皇百廢俱舉緊修廟之功實維稱首鉅

貴介之氣講詩書之文政先大體不事繁苛傳曰為政在人

公其是與再新園橋之觀重作頽宮之頌其辭曰懿明侯大

保障侍周廬臨絳郡宇農趾迪武螽德威布及屬風嗟頽橫

鬱煩壤蠹費桷苞柱磔椽墮堞繕西門平賦訟清驛屯殲巨

寇獻囚馘征不庭靖衢陌震皇武義聖居興

禮樂聯師儒洽天星規地序千百年式闕矩

十年知縣楊宏

謨復建明倫堂及左右二齋未竟去任州同徐祚煥再署縣

事數工十六年知縣趙士宏脩康熙二十年知縣陳裔振再

脩裔振有重修學宮碑記

其詞曰絳縣之學宮創自後唐長

絳縣志

卷十四

學校門

餘年制度規模遞有損益脩葺不常至國朝底定奄有區

夏順治六年土寇焚燬所存子遺維時楊徐趙三君子先後

縮符數年之內相繼整飭厥功固偉如也屈指於今閱年久

遠所為風雨鳥鼠殆難言之以故棟折椽崩日就傾圮勢不

得不有藉於後人先是前任張侯諱國弼者恆慨然自任與

廣文莫君國芳鄭君鼎徐君自拔周咨既久而猶未遑肯構

焉予於丁卯冬承乏茲邑往往肅瞻廟貌環顧殿宇堂廡齋

舍庖湍之所頽垣敗壁漸淪榛莽嗟乎以聖靈禋祀之地杏

壇片壤不獲與世俗琳宮梵刹同其壯麗將尊師敬業之謂

何不甯惟是昌黎日記而徧天下者惟社稷與孔子又云學

成於勤荒於嬉苟函丈橫經之無席而欲令博士弟子朝斯

夕斯講藝明道為國家儲賢育才以昭右文之化烏可多觀

哉余不禁怍焉於心謀之廣文張君爰進通邑縉紳及民之

秀於庠者而告之故於是詢謀僉同首捐清俸委羣材會眾

功缺者益之毀者新之經始於庚午之春落成於秋之八月

不持籌而貲裕不馨鼓而民勸廟貌尊嚴宮墻輪奐制因乎

昔美俗於前斯亦極一邑之壯觀已登其堂者觀車服俎豆之容使人肅然起敬豈特太史採風輶軒稅駕或愾然興嘆於修舉廢墜之爲當也哉抑斯邑惟魯者流無俟入其門而孝弟忠信之心油油以生況親淑詩書爲聖人之徒者歟則夫學校隆而士習正人倫敘而親長平皆於此焉感之所以紹前人之緒期無忝於司教之責是誠余之志云爾雖然撫今溯昔閱歷幾春秋矣凡物之成毀事之廢興安有紀極今之輩飛崇煥亦天地盈虛消息之數如循環之無端余又何功之有然則是役也董厥工量材授能以佐余不逮者廣文張君侗邑尉馬君謨皆例得並書其緝紳衿庶亦得勒名正石以昭茲來

許云是爲記四十年知縣盧絳雍正八年知縣李祖望相繼

脩祖望有重修學宮碑記其詞曰自京師以至郡縣莫不有

化馴至於型仁講讓移風易俗於以追熙皞之休表文明之治是學之所係不綦重耶予於癸卯之夏承乏茲土下車之日伏謁黌宮見其殿瓦殘圯兩廡頽缺以及崇聖明倫諸所靡不岌岌就傾因念教化之興端由學校遂慨然思所以新之而蒞政方初又以屢值洊饑雖時往來於懷而志焉未逮迨由辰及酉歲有頻書間充實爰進司鐸趙馬二先生及

絳縣志

卷十四

學校門

五

邑之紳士者老而謂之曰我聖祖仁皇帝崇儒重道樂育英賢凡所以加恩庠序者靡不周且至矣而又親書萬世師表四字頒賜天下學宮及我皇上續承大統庶寐羹墻既追封孔子三代復賜以生民未有扁額天章宸翰炳耀宮墻故凡府州以至縣邑莫不喁喁慕義維新廟貌以增聖道之輝而吾絳之學猶是破瓦頽垣荆棘滿目非所以振起衰靡欽承德化也因捐俸以倡其首而紳士耆老及邑之子弟亦各踴躍捐貲選料鳩工自正殿兩廡大成橋星諸門名宦鄉賢諸祠內而崇聖宮明倫堂以至禮門義路外而文昌閣奎星樓以及東西泮池莫不經營修葺百堵皆興及夫落成則見向之殿宇傾欹者嚴翼而正棖題之朽蠹者寬大而堅蓋瓦磚級之破缺者平易而整齊赤白之漫漶不鮮者輝煌而燦爛而又復修進德修業二齋東西二厨灶使諸生得以時肄習揚風挖雅之聲與辟雍鐘鼓相爲響應余於春秋釋奠而外時與邑之賢士大夫講學行禮於其間而一時之園橋然起敬頌者見人文之都雅瞻宮闕之巍峩莫不心曠神怡肅教化由是而振興人文由斯而蔚起嗣今以鼓吹休明成一代棫績史不勝書秋榜春闈籍難罄註於以鼓吹休明成一代棫樸菁莪之盛以仰副我皇上作忠勉孝化民成俗之心則

官斯土者與有榮施矣謀始於戊辰乙丑冬落成於己酉之桂月爲工頗大而歷歲未久爰勒之石以垂不朽云

乾隆四十八年知縣林琅奉道光五年知縣李興咸豐三年知縣潘名魁等又相繼脩

大成殿三楹東西廡各九楹櫺星門三楹大成門三楹泮池在

櫺星門外順治十六年知縣趙士宏螯砌乾隆二十三年教

諭梁廷霖脩濬

大成殿中奉至聖先師孔子以復聖顏子宗聖曾子東位述聖

子思子亞聖孟子西位配兩序祀先賢閔子冉子雍端木子

仲子卜子有子東序冉子耕宰子冉子求言子顓孫子朱子

西序東廡祀先賢公孫僑林放原憲南宮适商瞿漆雕開司

絳縣志

卷十四

學校門

六

馬耕梁鱣冉孺伯虔冉季漆雕徒父漆雕哆公西赤任不齊

公良孺公肩定鄒單罕父黑榮旗左人郢鄭國原元廉潔叔

仲會公西輿如邾異陳元琴張步叔乘秦非顏噲顏何孫實

樂正克萬章周敦頤程顥邵雍 西廡祀先賢蘧瑗澹臺滅

明宓不齊公冶長公皙哀高柴樊須商澤巫馬施顏辛曹邴

公孫龍秦商顏商壤駟赤石作蜀公夏首后處奚容蒧顏祖

句井疆秦祖縣成公祖句茲燕伋樂欬狄黑孟蔑忠公西蒧

顏之僕施之常申楨左邱明秦冉牧皮公都子公孫丑張載

程頤 東廡祀先儒公羊高伏勝毛亨孔安國后蒼許慎鄭

康成范甯陸贄范仲淹歐陽脩司馬光謝良佐呂大臨羅從

彥李綱張栻陸九淵陳淳真德秀何基文天祥趙復金履祥
陳澔方孝孺薛瑄胡居仁羅欽順呂枏劉宗周孫奇逢張履
祥陸隴其張伯行 西廡祀穀梁赤高堂其董仲舒劉德毛
萇杜子春諸葛亮王通胡瑗韓琦楊時尹焞胡安國李侗呂
祖謙袁燮黃幹輔廣蔡沈游酢魏了翁王柏陸秀夫許衡吳
澄許謙曹端陳獻章蔡清王守仁呂坤黃道周陸世儀湯斌

崇聖祠在明倫堂東北順治十六年知縣趙士宏脩內祀

肇聖王木金父居中裕聖王祈父公左詒聖王防叔公右昌聖

王伯夏公次左啟聖王叔梁公次右配位先賢孔氏孟皮顏

氏無繇孔氏鯉東位西向先賢曾氏點孟孫氏激西位東向

絳縣志

卷十四

學校門

七

從祀先儒周氏輔程氏珦蔡氏元定東位西向先儒張氏迪

朱氏松西位東向

春秋仲月上丁行釋奠禮朔望行釋菜禮儀節同太學載在會典通禮

明倫堂五楹在大成殿後道光五年知縣李興脩進德齋五楹

在明倫堂東脩業齋五楹在明倫堂西敬一亭在堂後知縣

蘇大禮李繼嶠相繼脩皆有碑記蘇記云聖經傳示古法開萬代教學宗旨而先儒朱

子作大學或問喫緊標一敬字為學人始終要務又曰秦漢來無人識得敬字者自程子以主一釋之其義始親切蓋主

敬之謂學主一之謂敬此學宮中敬一亭所由建也余承乏

是邑時虔謁聖廟見殿宇重輝廡簷增彩而明倫堂後文昌

閣前敬一舊址尚在荒煙茂草中蓋斯亭之廢久矣夫古今

之變沿革互易即就絳學攷之創於後唐增於明燬於寇重

新於本朝其中建置之後先與夫廢興之蚤暮由來俱各不

等何有於一亭顧予惟 聖天子加意學校綱目畢張歲舉

絳縣志

卷十四

學校門

八

月修費帑錢不可勝計而斯亭尚頽廢如故且屢經修葺諸
 凡備極壯麗而於所謂一心之主宰萬事之本根前人標而
 出之以為聖學成始成終之要者偏若視為緩圖任其頽而
 不之理上厚期之以其實而下並不恤乎其名則斯亭之廢
 為大可惜也董其事者非官斯土者之責哉用是謀之羣僚
 共捐俸以首倡兼亦資夫眾力胥解囊而交贊工竣集諸生
 至亭下命之曰敬一之名業與公等復其舊敬一之實願與
 公等圖其新不敬一於心而敬一於亭歲建一亭何益哉諸
 生勉旃內而身心意知外而家國天下準先儒契緊示人之
 要體聖經紹往開來之旨於以上副乎國家建學明倫作育
 人材之至意而因以不負余循名核實奉行教化之深心處
 則主一心以敬學出則主一心以敬官將來道術之昌明事
 業之宏遠有不與斯亭共垂不朽者哉諸生咸曰唯是事
 無記因允其請書之刻諸石李記云儒學敬一亭肇於前
 明嘉靖年間我朝雍正甲寅歲前任蘇公大禮復重修之
 然木小而脆不足持久故不數載焱風驟發遂傾頽焉歷四
 十餘年蕩然無存予心悼之會乾隆庚寅春三月雷震文廟
 大柏一株樹雖迸裂售其價可備工用爰議重建予因之有
 感矣是亭也毀於風成於雷蓋風於卦為巽巽之象曰君子
 以申命行事雷之卦為震震之象曰君子以恐懼修省風雷

合而為益益之彖傳曰益動而巽日進无疆始而以風不啻
 申命行事蓋昔日毀之機即今日成之端也繼而遇雷人心
 悚然大為振作蓋今日日人之心即天心也循此而嚴恐懼修
 省之義而敬而一以接聖學淵源益斯大焉天人相應之故
 微矣哉或乃曰是役也催督迅敏浹日而成樸大堅厚歷時
 必久予則曰久則有恆之象易曰雷風恆恆之象曰君子以
 立不易方傳曰主一無適之謂敬號舍在敬一亭左右道光
 道又在是乎吾與諸生共勉之

六年知縣李興及邑紳賈宗洛重建西號舍十一楹東五楹
 西南隅二楹東南隅三楹西堂五楹北堂五楹上有樓祀文
 昌帝君門三中曰鴻門東曰禮門西曰義路

教諭宅在學宮西南康熙十八年教諭莫國芳四十二年教諭
 王勝曾乾隆二十年教諭賈彭年道光二十三年教諭任報
 春同治十年教諭郭肇堂等相繼脩

訓導宅在學宮西乾隆十九年訓導郭治二十五年訓導王廣域五十四年訓導鄭延齡嘉慶十五年訓導高位南二十五年訓導張徹道光十一年訓導李敬人二十三年訓導劉文德咸豐十一年訓導張于鑄等相繼脩會典各學並建明倫堂以頒條教尊經閣以藏書籍齋舍以居生徒順治五年頒奉

欽定卧碑康熙三十九年頒奉

聖諭十六條四十年頒奉

御製訓飭士子文雍正二年頒奉

聖諭廣訓光緒十七年頒奉

絳縣志

卷十四

學校門

九

御製勸善要言以時宣讀又尊經閣奉頒行書籍二十五種俾

士誦習案郡縣學制唐以前多闕畧唐制府郡置經學博士各一人掌以五經典校宋慶厯四年詔諸路州郡監各令置學學者二百人以上許置學於是縣始有學然元豐元年州府學官共五十三員其時軍監與縣校官皆委自運司匪由朝廷也金惟節鎮州置學他州弗與元則路府州縣莫不有學教授學正教諭訓導之員始備昭代因之國朝尤詳備焉舊志齋堂後有射圃今廢敬一亭本因明世宗敬一箴而設非功令也

縣學額定廩膳生員二十人增廣生員數同埶學生員無定額

歲科兩試向取文生十二人爲中學雍正四年升爲大學取

進十五名歲試武生亦如之李祖望增廣學額記云三代盛

之廣而治臻邳隆風登熙皞者也雖選舉之法不一而造就

之功畧同故自制科以來理學純儒名公鉅卿濟濟輩出先

之膠庠之地以端其本進之邦國之選以規其學由是奮庸

熙載羽翼太平猗歟盛哉我聖祖仁皇帝臨御六十載表

章六經壽考作人增廣入學名數頻加鄉會中額以培養羣

材而收得人之效者靡不詳且至矣恭遇皇上御極之二

年臨雍釋奠崇儒重道偕諸生執經相辨難復念直省人文

日盛童子試科有限於定額垂老不獲一衿者特詔撫學

兩臣確核人文最盛之區酌量增改以廣樂育至意余承乏

絳山一年有餘向閱諸童試卷佳篇甚多因照中學名數取

進美不盡錄深爲惋惜今奉檄查議千秋一時遂以應改大

學力爲陳請蒙當事題准自此學宮多得一士即於朝廷多

儲一才諸生幸逢其際詎非盛世之休風歟抑余更有勗者

學士讀書談道原屬本分乃國家拔諸儕伍之中升之黨庠

之內豈博一青衿而已哉積學力行追踪乎聖賢之域夙裕

乎經濟之猷將來爲理學純儒爲名公巨卿庶幾奮庸熙載

絳縣志 卷十四 學校門 十

絳縣志

卷十四

學校門

羽翼太平培成熙皞邳隆之治以仰副 聖天子域樸菁莪
累世作養之雅化此則余之所厚期者耳茲值增額之初畧
敘始末附諸邑乘 生員出貢二歲二人以食餼最久者充之
以爲後學者勸焉

覃恩則以正貢爲恩貢其次爲歲貢歲試所舉優生統於鄉試

後會攷通省以四人充貢十二年選拔一次縣學選一人優

拔皆於次年

廷試以廩增充者爲貢生以增生充者爲監生分別錄用優貢

與 廷試同治甲子科湖廣總督官文奏請 廷試拔貢取

列一二等者用小京官知縣教職優貢取列一二等者用知

額設僧生四十人通攷向由州縣官考選學臣按臨免其府縣

兩試由校官冊送府縣申送院試後又定由

州縣校官在童生內選補
今則由學臣於試時錄取

學田以供脩學及贍給貧士其田與賦卽在州縣田賦之中惟

凭耕收租以待學政檄發絳縣學田共三百畝七分有奇租

銀四十六兩一錢二分納賦銀六兩一錢二分

明牛耀台學田舊記云不

能娶者心竊憫之間嘗分俸以相濟然而不可繼也訪之

閩學知絳邑從來無學田之設實爲缺典於是議設學田一

百七十畝捐除糧草攤派於閩縣歲取租金除助婚喪外年

終分給極次貧生以爲糊口之資又念人多地寡不能遍也

復捐俸金二十兩爲母錢議令三分生息學博同四齋長掌

其出入任人揭取行之七八年後可得百餘金然後置買學

田庶足供諸貧生之用矣學博杜君暨閩學諸友皆曰此盛

舉也當立碑以紀其事仍並地段坐落尺丈

勒之碑陰以俟後之加意學校者增廣焉

絳縣志

卷十四

十一

西喬村 西盤頂地六畝共五十三畝有奇 東盤頂地四畝共三十九畝

九分有奇 東北馬不樂坡地二段共八畝四分有奇 里

子溝地八畝共八畝三分有奇 漫灘坡地五畝七分有奇

睢村 地二段共三畝七分有奇

崔必村 地一段共六畝三分有奇在村南 黑絲凹地二段一十九畝三分有奇

以上共一百八十二畝九分有奇 見明天啟六年碑記卽牛記碑陰

乍虎圪塔 地六畝一十二畝七分有奇

趙村 地二段一十畝五分有奇在村南

黑絲凹 地十三畝共八十二畝四分有奇

劉家車樊 地一段六畝八分有奇

飛蟲崖 地一段五畝

以上共一百一十七畝六分有奇乾隆十三年查出

舊碑不載汪援

甲學田新記云絳邑之有學田所以拯單寒勵學校創其事於始後更有利物之君子因已然之迹而推廣之則其為惠益大且遠事昉於前明邑令牛君耀台牛君首是謀邑人協其力捐輸以成之碑版以紀之其所以經畫者甚詳鼎遷以來歷年滋多而絳當兵燹之後遺規往制凡屬碑誌之所觀記僅賴以存而公私錯出往往雜亂混淆湮沒而不可復辨隳古昔之良法屯仁賢之渥澤俾一邑之士有虛名而無實惠豈獨奸民滑吏之為病哉官斯土者蓋不能辭其責矣余不敏來蒞茲邑在乾隆十三年之秋適逢各上憲加意作人之盛踵前令未竟之緒爰不辭勞瘁按籍而記之未幾而愚民之所攘據不肖之所欺隱以及荒烟蔓草之剝蝕悉經釐正共得今田若干畝在前碑已紀之外而通計其歲之所入除分給貧生而外又以供兩義學之脩脯並獎勞先聖廟鳴贊諸生其餘完納稅糧有差入無缺漏出無侵漁職其役者前儒學教諭曲君徽音訓導周君文熙今教諭陳君膺笏典史朱懋烜實始終之夫流淵源而益長聲順呼而加疾與賢育才溥施廣濟求古良吏之所用心余固願學焉而未能然脩廢舉墜俾古人之所留遺不至終歸於澌滅用以贊勸盛

絳縣志

卷十四

學校門

十三

治加惠來茲余不自揆願與諸君子共勉之爰立石為記

涑陽書院在縣西二十里橫水鎮金大定間縣人呂士俊置經籍於院來學者廩食之鄉里弟子從學甚眾後廢國朝乾隆二十二年知縣徐以泰即縣南門內義學屋舍建涑陽書院三十四年知縣李繼嶠改建龍王廟

東華靈書院在縣治東南即舊察院地乾隆三十四年知縣李

繼嶠及縣紳賈凝端建大門三楹外廳五楹中堂三楹

顏日振德

院長宅三楹

舊名山長乾隆中奉勅改稱院長

東北室三楹西北經舍三楹

東學舍十五楹西學舍十五楹東南庖厨三楹西南學舍三

楹東北隅學舍三楹大門外東建室三楹祀剏建書院者道

光七年知縣李興重修西華靈書院在縣治西南與東書院相值講堂五楹院長宅三楹東北室一楹西北經舍一楹東西學舍各三楹大門內北廳三楹東馬棚五楹西馬棚三楹道光七年知縣李興脩孫讓有重修華靈西院碑記其詞曰西仲春余與射陽李君春濤同都在都謁選越十五年予奉旨西來於陽月于役南絳入其境土地闢田野治入其邑墻屋完固林木掩映至其庭庭甚清閒諸下用命子路治蒲之三善恍然遇之於指顧之間蓋春濤之宰斯邑者六年矣下榻衙齋與其友沈君迎山晤語問邑侯之所以為治者迎山告余曰侯之治洞悉民隱務在不擾其間閭而民之德侯也惟侯意之所向踴躍赴之惟恐後自壬午下車以來歲既有年侯之意在乎振興文教雅化作人絳士民則首以文廟請繼以修書院請工甫竣則請於明倫堂後添建號舍重新通衢之四明樓各費以鉅萬計侯惟俯順輿情屬首事者司其會稽不以他人間之民之子來不啻馨鼓弗勝也書院之西為華靈西院傾圮久矣侯以為此固不可不治而又慮重

絳縣志

卷十四

學校門

三

煩百姓因於邑中公費之可省者節之既有成數東約東書院首事諸君鳩工庀材費不足分清俸以足之不數月間而廢者舉缺者補入門而左為敬業堂堂之後為正房五間正房之兩旁及四隅添建書舍數十楹至厨竈馬廐藩溷莫不周密蓋華靈西院之工小於父廟書院各工而侯之重煩斯民與絳民好義恐後之情有舉一而並見焉者工既竣落成邑之人咸思歸美於侯侯不之許迎山以余與侯同籍又與侯之弟芝齡同譜因援邑人之意而浼文以為記余曰絳邑於漢魏屬河東郡魏豐樂侯社君幾為河東守開學宮親執經教授郡中化之自後河東特多儒者今侯之意既與古同符而斯民之不介而孚又如此將見絳今已圮落知縣李繼邑文學蒸蒸日上是宜書之以告來者

嶠復收廢寺地並縣人捐地共平地三百一十六畝七分有奇又續增平地九十一畝有奇皆乾隆三十年後所增知縣周雲翥續置水地一十四畝七分續典平地一百三十六畝有奇又山地一所知縣陳懷璋續置平地三十六畝九分續

典平地一千一百九十一畝有奇又山地四所田賦俱入通
明坊歲入租銀供院長脩艇生童膏火之用詳載碑記光緒
三年大祲後地多楸失

教山書院卽華靈書院地規制悉如舊光緒二十一年知縣胡

延建蔡光岳繼之並創斗捐之議以贖膏火章同清地畝定

捐數事詳碑記其詞曰終於春秋爲晉都邑士媿城聚獻景

治肇始南絳境內山川盤鬱大陰教山靈巖聳秀涑洺導源
瑩束如帶神異蘊結是生英特秦漢尙已魏晉以後公私著
錄尤傳述者程元親炙河汾仁能勝智王凝稱之儕諸董薛
當時王通及門多成將相程子紹聞德言聲華閭寂君子之
道闇而彌彰學術純正豈論顯晦敬暉繼起遭周革命與張
柬之桓元範等謀再造唐室光復舊物迹其功業豈在國老
梁公以下嗣是而後代有傳人宋元以降風流歇絕綿歷千
載邈焉無聞豈鍾毓發洩已盡抑師友提倡有未至歟 聖

絳縣志

卷十四

志

學校門

清啟運二百餘祀西蜀胡君延宰斯邑懼斯文之將墜悵吾
道之中頹議紹前型激揚人物爰稽故實考志乘得縣東南
華靈書院廢址乾隆時邑令李繼嶠所建也集貲修復改名
教山卽金史地理志所謂教山泮水者是將以雕繪士林牖
啟來學功未竟遽奉調去而郭君夢叟魏君祥熙兩廣文卒
贊助之以底於成蔡君光岳受事後復以經費支絀議算緡
錢米斗百取一請於上官報可事下米商收報不實眾議多
沸會蔡君去任余奉檄權邑事既下車召邑父老謂之曰風
俗純駁肇基人才人才盛衰導源學校書院之建置人才之
權輿且教山之議五年於茲矣不可使前人盛美自我而墮
遂乃度冊籍召紳衿集眾商申蔡君前議命吏檢覆果相逕
庭古人恤商之政量入爲出造士之方以養爲教多取則病
商少取則病士因於歲售中數酌取銀四百有四百一之法
兩無所病規諸久遠庶有濟乎既成議以示父老僉曰唯遂
請於上著爲例書院舊置學田千餘畝息本千二百兩修舉
廢墜訪求散佚經之董之歲可三百千而經費遂以充然矣
嗚呼興革之道視乎其人區區一邑之末書院之事歷胡及
蔡逮余而三猶復同心一志非有黨羽門戶之見也然是之
者半非之者半其覬覦攘竊假以爲名而陰以爲利者又半
脫使當日胡君旣去蔡君未來其或挾私見妬成功彼日伺

其旁習承意旨以陰其阻撓者不知當復凡幾幸而胡君啟之蔡君繼之俾不敏承乏其末得以藉手告成則夫天下之大邦國之政其挾私見妬成功以阻撓興革甚或被以惡名陰肆其擠排之術者彼其人蓋亦有所不得已也抑余聞書院之義以文會友講求實學為世用也科舉文字為世詬病識者譏焉今者異說爭鳴外人環伺保障黃族責在吾黨絳邑古為名區典型未墜程子碩德衛州偉烈邦人士習聞緒論久矣有能高掌遠躡紹述先德者乎是所望於有志之士者

凍陽講舍即華靈西院廢址光緒二十五年知縣章同重建有

凍陽講舍碑記

其詞曰凍水發源城東陳村峪西流入聞喜

帶也書院舊設橫水鎮乾隆時邑令徐以泰徙置城內旋廢余既承胡蔡二君後得藉手葺教山事因思學問之道當求實際復就城內華靈西院廢址重加修建更名凍陽復舊觀也既落成擇諸生中聰明秀傑者十人教之肄業課以經世之學而告之曰若亦知書院奚自仿乎古者作人之權操之自上大自詩書禮樂下暨百家方技農桑瑣屑之事胥視其

絳縣志

卷十四

學校門

五

人之資性高下因材施教導之以庠序納之於軌物勸以司徒儆以郊遂故其時無人不學亦無學不備四民之業世守其職士之秀出者亦類能經明行修儲其實以待上用後世教化陵替於是既無以率下一二聰明秀傑之士不能無所就以質所惑於是魁儒奮起各以所學爭鳴於世招聚生徒私相傳習浸淫既久經師人師轉相標榜然其中學成而去者功名彪炳猶足以震耀宙合馳譽千古蓋書院之設所以輔學校之不足也然自明季以後柄國者因噎廢食社會徒黨懸為厲禁士大夫禁口結舌至引處士橫議為戒凡書院人士之號稱知名者不過制藝楷律上亦僅能詞章考據而已習非所用臨之以政治絲而勢鳴呼聚徒講學古明君賢相所以鼓舞天下而不得者至以峻法禁之幾何不胥天下人才而戕賊之也中外交涉五十餘年矣邦交商利抵制俱失遠識之士私心憂之以為苟得奇偉英特之流與之馳逐上下安見黃族積弱不能超歐美澳非而上然培之無本養之末豫執向日禁令猥曰求才求才是何異控根握株而冀枝葉之茂也烏可得哉會變法議起當事者亦稍稍悟書院之不振始有仿西人建學堂之舉嗟夫西人之學堂西人之學校也西國教士之權操之自上彼自邦國郡邑下逮都鄙凡所謂實學仕學律學大學諸院一切政治公法律例格致工

商技藝之學一皆主之於官月有稽歲有考宏綱鉅目條貫兼賅由是用人之法亦寓乎其中非別有所謂科舉也故得人之盛陵越五洲蓋於我三代聖王之制有默契焉天子失官學在四夷吾但就吾中國固有之書院經之釐之去其無用而留其有用者使吾聰明秀傑之士胥就性之所近於政治公法律例格致工商技藝諸學隨其高下各執一業無兼營無求備無以制藝楷律自限無以詞章考據自矜須之十年智能俱奮然後合科舉於學校以徐復三代聖王之制則雖不立學堂猶之學堂也今徒震其名而不究其實則當日以書院救學校之窮而書院之不振如故者安知異日以學堂救書院之窮而書院之不振不仍如故乎余嘗謂天下事當求實際吾果實事求是則立學堂可立書院亦可即復古之學校亦無不可若猶未也則學校可廢書院亦可廢即異日之學堂亦未必不可若猶未也則學校可廢書院亦可廢諸生知實際所在相尚以道相勸以學而無競於文此則區區之意所願與諸生共勉之者院置經史子集及時務諸書凡若干卷課以實學旁及詩古文詞而歸其用於經世宰物每歲仲春由邑令甄別去取月給膏獎視教山加厚示優異也院在縣署之右入門南向為講堂顏曰儀哲堂後正室五楹東西經舍稱是循堂右轉過月門厯曉園迴欄曲赴南舍

絳縣志

卷十四

學校門

六

三楹書籍悉藏於是下有古泉顏曰掬碧篠取淨漱一掬碧詩意循欄而下度短花牆徑愈曲有花有竹有牡丹數本百餘年物也其上為司馬文正祠祠右為問奇字齋門厨庖湍悉備院中經費悉取給教山頂下別有規條茲不具載